

صاحبي ، مديري ، محوري :



آبونه بدلي :

سنه لکي ۱۰۰ غروش
آلتي آياني ۵۰ »
اوي آياني ۲۵ »

مخبر

۱۳۳۸

اداره خانه سي :
شهرزاده باشنده (تعالی اسلام)
جمعیتی مرکز عمومی
مرکز توزیعی :
باب عالی جاده سنده اتحاد
تجارت کتبخانه سی
اسلامک نفعنه خادم مقالات
مع القشکر قبول و درج اولونور

يازانك شخصيتي دكل ، يازينك اهميتي
نظر دفته آليتي

دینی ، علمی ، ادبی ، اجتماعی و شیعیه شہری
مجموعه اسلامیه در

کلن یازیدن شایان قبول کورولنل تاریخ
میراسیله درج اولونور .

عدد : ۵

۱۳۳۸ ربیع الاولنه مخصوص نسخه

في ۷ بوجوق غروش

مذہبات :

قرآن کریمک ایلک نازل اولان آیتلری (طاہر المولوی) - برآیت مناسبتیله (فرید) - یوم وانوامی : (احمد ضیا) -
علم هیئتک مبدائی (سعدی) - ربیع الاول و مولد شریف (طاہر المولوی) - مولد نبوی احتفانک مستند شرعیسی (محمد کامل) -
اسکیدن متقبه مولد قرائتی ناصل اجرا ایدیلیدی (عطا تارخی - طیار زاده عطا بک) - مدحت ربیبی بک مرحوم : (طاہر المولوی) -
غنی کشمیری و بعض ایسانی (طاہر المولوی) - بحی افندی درکاهی شیخک تاریخ ارتحال (سعود المولوی) .

ربع دائره نك صورت استعمالی

احمد ضیا بک افندی طرفندن تحریر ایدیلوب طبع ایدیلکده اولدینی محفلک ۳ نجی نسخه سنده تیشیر اولونان
ربع دائره رساله سی بودفعه برطرز نوین و کزینده اکمال ایدیلهرک حکاکر چارشیسینده خواجه مصطفی اقدینک
دکاننده (۴۵) غروش بدل ایله صالقمده در .

مؤلف مومالیهک (ربع دائره نك اساسی و طریق ترسیمی) عنوانلی رساله سنک ده قریباً انتشار ایده جکی مع المسار استبشار ایدلشندر .

دینی درسار - مؤلفی آقسه کیلی احمد حدی

اسلام یولی - اسکلیلی محمد عاطف

اسلام چیغیری - » » »

بواثرلرده میدان انتشاره قونولش و عموم کتابچیلرده صالقمده یولو نمشدر . کرک ضیا بک افدینک ، کرک حدی
وعاطف افدیلرک قدرت فاضلانلری مجموعه ده کی یازیلریله مبرهن اولدیغندن اثرلری حقنده فضله سوزه لزوم
کور میورز هریرینی مؤلفات جدیده مراقیلیرینه توصیه ایدرز .

آبونه لریمزدن رجا - محفلک نسخه لرلی صورت منتظمده کوندریلکده ایسه ده آبونه لریمزدن بعضیلرینه واصل
اولامادقلری آکلایشیلور . بناء علیه مجموعه سی کله یین ، برده تبدیل اقامت و مأموریت ایله یین آبونه لریمزدک اداره مزه
معلومات و برمه لری رجا اولونور .

متعاقباً ایکی کیجه قمرک بولندی ییره باقار سهق غریبدن
شرقه طوغری حرکت ایتدیکی کوروروز .

(مابعدی وار) سعدی

محل تاریخی

[ربیع الاول ومولد شریف

جناب حق ؛ قدومنی اهل اسلام حقنده متین بوورسون ،
شهور عربیه دن ربیع الاول شهر مبارکی حلول ایتدی .
قاموس ترجمسی ؛ (ربیع الشهور) و (ربیع الازمنه)
نامیله ایکی ربیع اولوب ربیع الشهور ؛ صفردن صوکر
کلن ایکی آی ، ربیع الازمنه ایسه بهار و کوز موسملری
اولدینغی سویله دکن و چیچکلر آچدینغی زمانه ربیع الاول ،
میوه لر اولدینغی زمانه ده ربیع ثانی ده نیلدیکنی بیلدیردکن
صوکر شو معلوماتی ویریور :

« بمضل دیدیلرکه عربلر سنه بی آتی زمان اعتبار ایدرلر .
ایکی آینه (ربیع الاول) و ایکی آینه (صیف) و ایکی آینه
(قیط) و ایکی آینه (ربیع ثانی) و ایکی آینه (خریف)
و ایکی آینه (شتاء) تعبیر ایدرلر . شارح دیرکه : مقدما
عربلر مصول اربعه اعتبار واولی صیفدن عد ایدوب دردنجی
بهاره کلکله ربیع اطلاق ایلدیلر ،

بولندن ۱۳۹۴ سنه مقدم که بر ربیع الاول ؛ چیچکلرک
آچیلدینغی ، قوشلرک اوتدیکی ، کاشانک و جدو خروشه
کلدیکی ایلك بهار موسمنه تصادف ایدرک او موسم فیضی
ربیع اکمل حاله کتیرمشدی .

اول ربیع الاول آیک نیجه سی

اون ایکنجی کیجه ائین کیجه سی [۱]

صباحه قارشنی ایکی جهان کونشی صلی الله علیه وسلم
افندیز دنیای شریف و تنور ایلهمشدی .

ائنای ولادته مادر پیغمبری نزدنده (شفا خاتون)

بولونمش و أبه لك خدمتی مشار الیه طر فندن ایفا اولونمشدی [۲]

[۱] محمود پاشای فلکی تلك حسابات عمیقه و دقیقه سنه نظر اولاد

پیغمبرینک ۹ ربیع الاولده وقوعه کلدیکی (ریاض المختار) ده مقرردر .

[۲] حضرت شفاء : عشرة مبشره دف جناب عبدالرحمن بن

عونك والدة مکره سیدر . رضی الله عنهما .

عیسی دن ۴۰۰۰ سنه اول [اوقلید] ك وضع ایتمش اولدینغی
قوانین هندسیه هیچ بر تعدیلاته اوغرماشدر .

حساب و هندسه دن صوکره علم نجومی کلشدر ؛ احتمال
فلسفه ایله مزج اولمشدر . چونکه انسان محاکمه یور و تمهیه
خواهشکاردر . تشکل عالم و علم کلام حقنده بر فکری اولمایان
بر قوم یوقدر . چونکه کرک فیلسوفلر ، کرک ریاضیون
فکرآ ، مطالعات و تدقیقاتلرینک ، غایه لرینغی ایجاد ایدرلر .
مثلا یونانستانده افلاطون ، پیتاغور . الخ کی عالملر فلسفه نك
اساسنی قورمشلر . اشکالك باشلیجه خواصنی بولمشلر ...
ایلك فیلسوفلر ایلك منجم اولمشلردر .

قرون اولی اقوامی بزه علم نجومک تاریخی بر اقامشلردر .
بناءً علیه بز آنجق آنلرک زمانی تعیین ایچون قوللاندقلری
آلاتی ؛ تشکل عوالم حقنده نظریاتلرینغی تدقیق ایله بو
تاریخی قورایله جکزر . فقط هرشیدن اول انسانلرک
حادثات سماویه حقنده کی ایلك مشاهداتی نظر تدقیقندن
کچیره لم .

شمسک حرکاتی انسانلرک نظر دقتنی جلب ایدن ایلك
حادثه سماویه اولمشدر . زمانی تقسیم ایچون اك بسیط
واسطه بو اولدیغندن هیچ شبهه یوق که اوقات ، کیجه
و کوندوز ایله تثبیت ایدلمشدر . فقط جوق ، کچمه دن بو
واسطه نك يك ابتدائی اولدینغی کورلمش . چونکه کرک
چفتجی نك ، کرک چوبانک موسملرک عودتی بیدامسی لازمدر .
بونک ایچون ایسه سنه نك مدتی معلوم اولسغی اقتضایدر .
اولا بو مدت صیحا ق و صفوق موسم ایله تعیین اولندی .
بالاخره بو واسطه ده احتیاجاته کافی کلدیکی آکلاشلمشدر .
سنه نك حقیقی مدتی بولق ایچون دیگر حادثات سماویه یه
مراجعت اولتمش . مثلاً : صفحات قر .

هرکس بیلیرکه قر ، بزه مختلف شکله کورورکور .

قوس ، یاریم دائرة ، بتون دائرة . بو حادثه باشنی
قالدیروب سایه باقان ایلك انسان طرفندن کورلمش و آنک
معین بر زمانده جریان ایتدیکی ده آکلاشلمشدر .

مكه مكرمه نك شرق جهته و (سوق الليل) ده نيلن
چارشیده (شعب ابی طالب) و (زقاق المولد) نامنده کی
سوقا قده آلان معمور و زیارتگاه اولان بر بیت مقدس
جواردر که علیه الصلوة والسلام افندیمنك ولادتخانه اقدسیدر.
بوسهءاتخانه ؛ نبی افخمه پدر مکره نندن قالمش ، بعدالمهجره
(عقیل بن ابی طالب) ه احسان بویورلمش ، احفاد عقیل
طرفندن حجاج ظالمك برادری (محمد بن یوسف) ه
صاتیلوب اونك یابدر دینی (بیضاء) آدی قوناغه علاوه
اولونمشدی . موخرأ هارون الرشیدك زوجہ سی (زبیده)
بو محل مبارکی مسجد حالته افراغ ایتدی . قانونی سلطان
سلیمان ده ۹۶۴ تاریخنده تجدیداً تعمیر و تزین ایتدیردی .
ذکر اولونان بیت معظمك وسطنده اطرافنه پارماقلق
چویریش واوزری صیرما ایله ایشله نیلمش اطلس
پوشیده لی بر صندوقه موجوددر که آلتنه تصادف ایدن
موقع مبارکده ولادت پیغمبری شرفوقوع بولدیغی مرویدر .
ولادت محمدیه نك هفته سنده جدی عبدالمطلب طرفندن
(عقیقه) اولوق اوزره برقریان کسيلمشدی [*]

(*) حاجی ذهنی افندی مرحوم دیرکه :

« عرب جاهلیه قیز اولادك عدو اکبری اولدقلرینی ایماء
ازكك اولاده نائیلترنده یدنجی کون بر قربان کسرلر و حصول
سلامتی اعتقادیه جوجفك باشنی تراش ایدوب قربانك قانی سوردرلر
وتفاؤلاً حیوانك کیکلرینی قیرمایه رق بوتونجه پیشبردرلر و ایشته
او قربانه (عقیقه) دیرلردی . اصل عقیقه جوجفك حین ولادتنده
باشنده اولانی آنا توبی معناسنه اولوب مؤخرأ آنك ازاله سی
کونی کسین قربانه علم اولمشدر . بو عادت عصر رسالته قیزلر
حقنده ده اجرا اولونمق اوزره ابقایورولوب فقط جوجفك باشنی تراش
ایدلده کده عقیقه نك دمنه بدل زعفران سورولمك اصولی اتخاذ قیلندی . .
بعضلر ؛ لفظ عقوق کریمه کوره رك عقیقه بی (نسیکه) یاخود
(ذبحه) تسمیه ایله دیلر .

ائمه اربعه دن امام مالک و شافعی ؛ عقیقه نك مسنون و مستحب
اولماسنه و احمد حضرتلری ؛ برقولده وجوبنه و بر قولده سنیتنه
ذاهب اولوب امام اعظم حضرتلری ایسه یالکز مباحیتنه قائل
لپاشلردر . بزجه استحبابی اولمادیغی امام محمد بن الحسن حضرتلرندن
(عقیقه) ؛ تطوعاً ایشله نیر برشی ایدی . مؤخرأ اضحیه ایله منسوخ
اولدی (دیو منقول اولدیغی جهنله (کتاب العقیقه) کتب متداوله
حنفیه ده مقرر و کدر .

بوشبکه بر دم مسعود و هتکام سعادتدر
صفابخش و طرب افزای جان اهل صفوتدر
حقیقته شب قدره معادل آن غفراندر
که رشك انداز انواری صباح الخیر رحمتدر
زهی لیل منور که بوتون آفاق امکانه
مثال صبح صادق انجلا بخشای ظلمتدر
زهی لیل معظم که کونش ؛ فروضیاسندن
سحاب غیب ایله روپوش دیدار خجالتدر
زهی لیل مقدس که درون سینۀ صافی
تجلیگاه عال العال خورشید حقیقتدر
سواد عین عرفاندر ، سویدای دل وجاندر
که میلاد سرور آباد سلطان رسالتدر
شهنشاه نبوت پایه سلطان رسالت که
بوشب مهد وجوده زیور افزای ولادتدر
یتاریله توصیف قدسیتنه چالیشیلان مولد نبوی
کیجه سنده بر جوق خارق العاده حلالر وقوعه کلشیدی .

سلیمان چلی نك :

دیدي کوردم اول حبیبك آنه سی

بر عجب نور کیم کونش پروانه سی

دیه بر قسمی تعریفه ابتدا ایتدیگی اوکی احوال

خارقیه اصطلاح اهل سیرده (ارهاصات) تعبیر اولونور .

★
★★

(سلیمان چلی) ده نیلجه خاطره در حال مولد شریف

منظومه مبارکه سی کلیر . زیرا : کویا که اوشاعر یکانه

کلش بو کتاب ایچون جهان

ییلدیریم بایزیدك امامی اولان مشارالیه طرفندن یادکار

براقیلان وسنه نك هر آنخنده ، خصوصیه ربیع الاول آینده

تلاوت اولونان او منظومه شریفه نك نقل ایله دیگی منقبه

مولدی ایلک دفعه (ابن دحیه) تحریر ایله مش ، اربل

قلیل المدح المصطفی الخط بالذهب
 علی ورق من خط احسن من کتب
 وان تنهض الاشراف عند سماعه
 قیاما صفوفاً اوجیاً علی رکب
 بیتلری اوقویونجه امام سبکی ؛ احتراماً آیاهه قالمش
 مجلسنده کیلرده کنیسنه تابع اولمش .

★
 ★★

مولد بجی آچیلمشکن مولد اوقومقده اولان افندیلردن
 ایکی شینک ترکی خلو ص دین و ذوق سلیم نامنه رجا
 ایدم جکم .

بری : مولد کتابنه هر ناصیله قاتیلش اولان که بیک
 وکسیک باش دستانلری کی افسانه لری - مصرانه ایسته ینلر
 اولسه بیله - اوقومامق ،

ایکنجیسی - مجلس قراننده رئیس القراء افندی بولونسه
 بیله - مولد اوقورکن تجوید یا مامق ، یعنی تورکجه عبارده ده
 عینی چاتلاتوب کافی باتلاتماق قدر .

چونکه عبدالله بن اولدی حامله

مصر اعنده کی (ع) نک چاتلاماسی (ب) نک قلقله سی
 (ح) نک بوغازدن چیقماسی ، های رسمیه نک اظهار
 واسماع ایدیله سیله اوغراشاجق مجود بر مولد خوانک
 جماعتی نه قدر صیقا جفی وحضارک نه درجه حضورینه مانع
 اولاجغنی . آزیحق ذوق و عرفانی اولانلر آکلامقده
 کوچک چکمزلر .

تجوید ؛ لسان عربیه مخصوص اولدنی کی تورکجه نک
 تجویدی ده تجوید سز لکدر .

منقبه مولد حقنده بن بوقدر یازدم ، نقصان قالان
 جهتلری نه قاره حصارلی خواجه کامل افندی اسنادیمز ؛
 بروجه آتی اکمال بو یورو یورلر :

طاهر المولوی

امیر ی مظفر الدین کوکبوری (۰) ده ۶۰۴ تاریخنده
 اربله اوقوتمشدر .

حرمین شریفینده (مولد برزنجی) ده نیلن منظومه اوقونور
 وهر بیت عبقنده [مرحبا یا مرحبا یا نور عین مرحبا
 مرحبا جدالحسین مرحبا] نقراتی عموماً ایراد اولونور .
 بزده کی شکر ، یا خود شربت توزیعنه مقابلده حضاره
 خرما داغیدیلر .

مولد فصلاری بندنه کی عشر والهی اوقونماسنه ضمیمه
 یاقین و قتلره قدر منظومه نک هر بیت متعاقب ذاکر لر طرفندن
 مدید و مکرر اولمق اورره (ح) اسم شریفی قرائت اولونوره ش
 ولسا مزده (ح) ایله (ه) حرفلری تفریق ایدیله مه دیکی
 ایچین او اسم شریف (های، های) آهنگنده دویولور مش .
 هله بعض مصرعلرک صوکنده اوقونماسی یاقیشماز ، از جمله :
 کیجه کوندوز ایشاری عصیان قو

قورقارم که یرلری اولا طامو

بیتندن صوکر اقراننده «های های ، هیچ قورقا
 اوله اولاجقدر!» کی بر معنی ایهام ایله دیکندن مناسبت
 آلاز ایش . طوغروسی بو اصولک ترکی شایان شکر اندر .

منقبه ولادت اشناسنده و :

کلدی بر آق قوش قانادیله روان .

مصر اعنک انشادی صیراسنده ایدیلن قیامده ۷۵۶ ده
 وفات ایله بن - (امام سبکی) دن قلما بر دأب احترامدر .
 برکون امام مشارالیه مجلسنده علمادن بر چوغی
 حاضر اولدنی حالده کوزل سسلی بری [اک مقتدر بر
 خطاط طرفندن آلتین صویله اوصاف پیغیرینک یازیلماسی ؛
 شان جلیل محمدی به نسبت آزر برشیدر . اوصاف محرره یی
 دیکار کنده اکابر واعاظمک دیز جوکمه سی ، یا خود آیاهه
 قالقبوب صف تشکیل ایتمه سی ادب تعظیمه موافق بر حرکتدر]
 مآلنده اولمق اوزره :

(*) ترکستان اصطلاحنده (بوری) قورده دیک اولدینه
 نظرأ (کوک بوری) ماوی قورده مناسنه در . بعض عربجه تاریخلده
 (کوکبری) (ککبری) رسمنده یازیلدنی ده وارد .